

徐
迪

功
集
上



康印秋初假暇均居藏平漢竟并為校補訛漏歸之
祥符周至治季既南記于榕城

文儒坊轉舍嘉歎齋中

年酉春日暇均居主人劉幼田秀才以新得初刻本遂
持以相贈初刻本亦有精糊斷損安知此抄本之禮也
借勘一過無從改正雷再訪善本校
季既

戊辰二月二十日舟行建平道中披讀一過回憶得書
初思之已九年矣幼田于十年作故秀而不實言可慨
傷懷北地一序同此悲
季既又記

徐迪功集六卷談藝錄附

破均居贈本書鈔閣珍箴

刻徐迪功集序



徐迪功集六卷并談藝錄子容寄我豫章予即



豫章刊焉印傳同好意表迪功文云初迪功亡

京師也予在梁子容訃予曰昌毅遺言子序其

遺文於是手其文歔歔久之曰嗟乎予忍序吾

友文耶麟鳳芝寶世所希遺見遺見之而遽天

滅亡也天生之故奪之邪抑生不生而脩或

短非天所諳哉迪功以文賦起吳中十數年間

驚翔而虎變彬彬乎出人士前矣然竟軼軻天
滅亡也凡此天果弗諳之邪乃予觀李唐人李
杜軼軻勃賀則天未始不憐才流涕也然猶異
代足寬解孰謂親遭見之如迪功者云客曰氣
積久斯漓三代以後聖人罕生孔子以周末故
不得位觀其大可占其細若是則魏徵將為鬼
魅之說非邪客曰群體迪功奚以之也予曰談
藝錄脩矣夫追古者未有不先其體者也然守

而未化故蹊徑存焉雖然辭榮而貌寂浮雲富
貴慷慨俯仰迪功所造詣予莫之竟究矣今詳
其文溫雅以發情微婉以諷事爽暢以達其氣
比興以則其義蒼古以蓄其詞議擬以一其格
悲鳴以泄不平參伍以錯其變該物理人道之
懿闡幽剔奧紀記名實即有蹊徑歎儷鮮或修
短細大又曷論焉不載迪功履歷以別志述

北郡李夢陽文

徐迪功集卷目

卷一

樂府

樂舞歌府

游俠篇

苦寒行

白紵歌四首

鷓鴣行

閭闔行

猛虎行

榆臺行

步出夏門行

玄會曲



將進酒

江南樂八首

隴頭流水歌三疊

王昭君

從軍行首

結客少年場行

少年行

平陵東行

長安曲

燕京四時歌

擬古宮詞七首

雜謠四首

卷二

贈答

學謝靈運賦華子岡詩贈趙建昌

酬贈方周二子

寄上前冢宰王公

贈劉子二首

贈錢元柳

贈張注先生

靈隱寺贈靜公

答沈休翁所問因成贈章

王敬之御史始竄海南繼移永嘉令自

燕中迎親就養

對雪贈客

酬邊太常於燕山見憶之作

石川子歌
贈王淵之

答顧郎中華玉

各賦隱士得魏仲先贈金陵顧徵士

答獻吉

王負外不鮮參同契但索一詩許以與

我率爾戲之

游覽

入沛
謁嚴子陵祠

彭蠡

與江夏尹錢子舍人于黃鶴樓

在武昌作
廬山

江上逢許負外
曉下廬山

登支硎山樓逢游侶

登半塘寺閣
曉思

郊齋宿大興隆寺
吳舍人園亭

登長陵西望秦陵二首

九日游眺三絕句

秋日過故尚書吳公池館二首

晚過獻吉齋所
嘉禾道中

游江驛下作
舟懷

過梨雲精舍
漢陽逢故人

卷三

送別

送友二首
留別邊子

留別都城諸同志二首

送邊子五首
送士選

送范靜之五首
送徐生之金陵

送許補之還丹徒

送王誕敷之官長沙

送蕭若愚
送周夢良令臨朐

送耿晦之守湖州
青門歌送吳郎

贈別獻吉

送友人還吳

送蕭少府

送唐季和謫穀城

送顧馬湖孔昭四首

送廬陵楊二尹
送友

安南歌四首送沈使君

送方山人
送盛斯徵赴長沙

貽吳叟

寄憶

九日期登大慈恩寺閣不果寄獻吉

唐生將卜築桃花之塢謀家無貲貽書

見讓寄此解嘲

寄華玉

駕出南郊退簡邊喬二太常

人日柬李負外

秋日懷李却中及邊熊二君子五首

於武昌懷獻吉
寄子容

寄獻吉

閒居懷秦公

過喬侍郎省中因懷獻吉

廷實久約携酒見訪不至貽詩嘲之

感興懷獻吉

聞廷實工計不與悵然有懷

寄杭東卿

卷四

詠懷

大宰召補職被疾不赴齋中作

懷往二首

雜述

雨霽庭藥芬郁

庚午歲始見二毛

歲除貽廷實太常子容同年

中秋夜不見月兼邀儲太僕不至

五月五日

對月有懷

調太學博士

與太學諸僚宴集

題詠

偶述二絕

觀田魏二廷尉射歌

月

酬李負外見贈古鏡歌

月

江夏題王守城南精舍

日蝕

女醉日

觀鴛鴦贈客

觀唐生寄贈子容洞庭山圖因求作廬

山嶂子

沅溪潘進士在長安逆旅中見庭下山

丹花詰其主云是阮中移來感而賦

詩命子嗣響

曹別駕畫山鷄歌

謝

題潘進士贈詩昌邑雪山圖

寄題瀘州韓道人霞外山居

題唐氏園池

鳳凰山園雜詠五首

十六夜月

哀挽

瞻文溫州畫像

挽劉大夫瀚

亡女旅櫬南泉寺

卷五

賦頌贊文

反反騷賦

放言賦

吊故宮賦

玄思賦

醜女賦

濟淮賦

述征賦

懷歸賦

申祗賦

喜雨賦

皇帝即位頌

出師頌

楊隱君贊并序

硯贊

告讜文

卷六

書論序記碑誄

與李獻吉論文書 荅獻吉書

重與獻吉書 崇化論

東魯韓氏世譜序 玄溟子記

謝氏世睦記

故瑞州府知府贈中憲大夫李公碑文

文溫州誄 卷目終

徐迪功集卷一

明迪功郎國子監博士前大理寺副吳郡徐禎卿昌穀撰

樂府五十首

樂舞歌辭

靈芝華華洞房鳳凰儀儀九章生逢盛世聖祚

長 陛下承基人悅康鼓玄瑟吹鳳簧八音翕

合而鏘鏘坐者忘疲聽者哀以傷且為樂壽萬

年何用殊暢懷虞殃主獻前致辭賓酬跪奉觴

命如晨風葉倏忽聚散允無常及時秉燭遊日月不我將鷄號旦旦鶴鳴瀼瀼諸君慎勿離席而東西具我粗飴進糲羹日團團升扶桑次衡陽倒君衣服君裳考鐘擊鼓會明堂日之方中朝既昌蠻夷率舞鳥獸攸行陛下黃耆福履無疆

閭闔行

閭闔開道顯通今時當太平雞鳴狗吠相聞於國中民生苦不樂朝作暮不春生何以樂時哉雍豪右不貸法郡縣吏受農徭賦壹稼穡穰兵訟以息民無天凶黃河水清出龜龍願我皇帝壽與天侔無終窮

遊俠篇

鷲
四牡服朱軒俠氣何翩翩夕鷲邯鄲道朝馳函谷關千金飾冠劍寶服芳且鮮徒御若雲浮周道直如弦堂中養死士被服皆珠紈樞馬馱梁

肉具甲委如山片言傾五嶽萬乘慕其賢諸侯
奉白璧爲壽卮酒前合從連趙魏駕轂出齊燕
仗劍歸質子矯節奪兵權皦皦日中議軟血重
一言鷄鳴脫虎口狗盜乃獲全天地相盪蝕四
海如沸淵憑軾一抵掌解紛談笑間縱橫負竒
鄴逸氣益八埏慨慷功名會何言七尺捐策勲
山河溢流光竹帛鐫何爲坎壈士撫劍獨長歎

猛虎行

上山晨採樵下山逢猛虎深林叢薄不可度熊
貌嶢巖兮向我怒虎欲食我低頭據地而長號
使我心悲淚如雨舍中無人言父與妻爨下又
無食使我孤兒啼拔劍前致詞爾胡不仁至此
爲稜牙鋸齒食人之肝拒骨而撐屍膏血布川
谷烏銜其肉倒挂東南枝惻惻草野中行哭殺
正悲嬌女行採桑道逢野虎搏食之倉浪之天
更不慈猛虎瞑目若搖思便復舍我置道傍我

欲東歸河無梁綿綿邈邈思我故鄉嗟爾行路
人猛虎當關慎莫行思行父母多苦辛吁嗟猛
虎白額狸斑而黑文何不渡河而去從彼豺狼
群城中咆哮竟夕聞吾將詐汝於泰山君猛虎
行且莫歌泰山之君柰若何

苦寒行。

凜凜朔氣運悠悠玄象馳北鄙何蕭條漠野恒
淒其崇霜依岫結岷水憑岸潞飛砂塞門黃胡
馬厲長悲漂漂密雪興叢叢繁雲垂窮獸啼原
澤氤烏號樹枝無衣嘆秦風卒歲咏豳詩伊余
炎荒士飄飄寄邊陲風土有本性狐貉非所宜
飲漿豈執執熱懷續猶抱絺屨常畏瘍思涼誠
惡痺寄謝父與母游子難久居

榆臺行

按榆臺戰在
弘治乙丑年

榆臺高以臨匈奴匈奴桀罪當夷戰不利師被
圍師被圍士無糧渴無漿拔劍仰天訣壯士餓

死亡棄尸不保蹂藉道傍嗟爾從軍之人行不
來歸奈之何心傷悲

白紵歌四首

三星爍爍花滿堂素腕盈盈出洞房垂羅映轂
耀明妝嫩若雲中開月光流情盼君君莫忘停
歌節舞進玉觴願君安坐夜未央

其二

中庭桃枝連理傾瓊卮含霞玉醴盈歌舞君前
流目成絲桐順耳感人情持觴把袂君不違願
作梁間雙燕飛

其三

旨酒千壺列東廂美人如花嬌北堂齊歌合舞
聖世昌願得歡娛永未央脂車秣馬且踟躕百
年之會忽須臾東流之水西飛鳥今我不樂何
為乎

其四

魚瓊膏擊素鮮金弁戔戔賓四筵趙瑟高張調
蜀絃長袖翩翩陵七盤華歌妙舞及春妍蘭若
參差桃欲然上天明明降醴泉
皇帝陛下壽萬年

步出夏門行

遠游躡泰嶠高舉凌雲門白日駐華蓋丹霞耀
飛軒騰蛇載霧興玄鶴凭颺騫玉女從白鹿青
龍挾兩轅左顧叔卿笑右接洪崖言長松蔭列
坐六博邈芳樽嫋嫋祥風被郁郁華芝磨沐余
逝咸池晞髮乘崑崙輕身倣鴻舉長嘯若雲翻
下視塵世徒鼠腐寧足論

鷄雀行

白鷄捉黃雀斜盤下九天豈知南山側復有虞
人弦一發中雙翼忽斃青雲端行人皆撫掌仰
視落飛翰弓矢懸馬頭少年坐雕鞍將歸咸陽
市百鳥爭聚觀美酒白玉缸肉腊黃金槃樂哉

今日宴四座俱萬年

玄會曲

蒼朮肇皇紀朱光熙泰元明堂八軌湊洛邑四
方尊河山週武衛表裏殿師藩鏞鼓天上合冠
蓋日中屯玉帳雲龍會南山椒柏樽穆清乾至
優渥奉華恩慚非白獸客虛承象魏言

將進酒

將進酒乘大白碑礫為嬰錦作幕燕京杜康字
琥珀朱緡三千酒一石君呼六博我當擲盤中
好采顏如花鴛鴦分翅真可誇壺邊小姬技漢
幟壯士失色從喧嘩拉君髯勸君酒人間得失
那復有兒男運命未亨嘉張良空植博浪沙秦
皇按劍搜草澤豎子來為下邳客一朝崛起佐
沛公身騎蒼龍被赤舄滅秦蹙項在掌間始知
橋邊老人是黃石狂風吹沙黑漲天天山雪片
落酒筵錦屏繡幙不覺暖齊謳趙舞繞膝前人

春

生遇酒且快飲當場為樂酒少年何用窘束坐
自煎陽春豈發斷蓬草白日不照黃壚泉君不
見劉伶好酒無日醒幕天席地身冥冥其妻勸
止之舉觴向天白婦人之言不足聽又不見漢
朝公孫稱鉅公脫粟不春為固窮規行矩步自
銜世不若為蟲處禪中丈夫所貴豈窮苦千載
惆悵流英風人言徐卿是痴兒袖中吳鉤何用
為長安市上歌擊筑坐客知誰高漸離我醉且
倒黃金壘世人笑我鋪糟而揚醕吁嗟屈原何
清漁父何卑魯連乃蹈東海死梅福脫帽青門
枝明朝走馬報讎去襄子橋邊人豈知

江南樂八首代內作。

生長在江南不愛江北住家在閭門西門垂雙
柳樹

其二

陽春二月時桃李花參差寄言諸姊妹莫遣惡

風吹

其三

還鄉信自樂望近轉於邑阿母見兒歸定自持
儂泣

其四

野鳧生離時乃在河汜中可憐生羽翼各自戀
菰叢

其五

橘生江上洲過江化為枳情性本非殊風土不
相似

其六

人言江南薄江南信自樂采桑作蚕絲羅綺任
儂著

其七

與郎計水程三月定到家庭中赤芍藥爛熳齊
作花

其八。

江長道里長荆襄在何處聞郎昨夜語五月瀟湘去

隴頭流水歌三疊代內作

隴水鳴咽流各自東西下生男不下堂生女棄

中野

下隴磨剪刀刀澁指爪柔將刀斷割水那用東西流

介

隴水鳴不止似聞阿見語出門不見人肝腸斷

絕汝

王昭君

金裝嬌玉驄結束事和戎獨去白龍道遙將黃鵠同紫臺留漢月青塚落胡空萬里琵琶曲流悲入漢宮

從軍行五首

獵火照燕然匈奴寇朔邊昨夜飛符至將軍出

酒泉魚麗天陣合
狐塞伏兵連一鼓
旄頭落長驅捉左
賢橫行黑山外凱
入武威川萬古清
沙漠常令無塞烟

其二

貳師將軍初出師
橫行十萬羽林兒
見隔河追斬呼韓
將烏壘高懸太白
旗

其三

五壘神兵下玉門
倒傾西海蹴崑崙
輕車夜渡

交河水斬首先傳
吐谷渾

其四

調笑胡王坐玉鞍
蛇矛丈八奮如湍
天子戎衣遙按劍
將軍直為斬樓蘭

其五

青天磧路挂金微
明月洮河樹影稀
胡鴈哀鳴飛不度
黃雲戍卒幾時歸

結客少年

驍馬宰青絲閭里爭耀馳朝游吳姬肆暮入屠
沽兒袖中挾匕首跨下黃金鉞然諾杯酒間秦
山心不移東市殺怨吏西市仆讎尸裂眦白日
變英風拉如摧突過銅龍門電影忽如遺司隸
徒斂手行人莫敢窺橫行三輔間法令不得施
壯義冠千古雄聲流四垂

少年行

生長在邊城騎射有聲名石募河源去長屯都
護營登山望敵氣間道擊胡兵十決推雄戰連
呼拔虜旌雲中息刁斗天上掃捲槍坐弄胡笳
月梅花隴水清

平陵東行

共工觸天補女媧后羿射之摧九烏君不見秦
山之高屹天柱有時東崩海水枯秦人築長城
東宮夷貊北繫胡開闔地戶天下樞九關虎豹
下食人觸髅飛血昏風塵四海望之威天神亦

有荆軻起報讎裂眦向天天為愁拔劍一呼走
萬乘快哉壯士誰與儔儒生抗眉論堯舜斂手
待烹良可羞上鄉執珪古所侈魯生棄之若敝
屣鴻毛輕死為二桃笑殺田疆與冶子龍蛇消
息各有時白石落落人豈知季布髡為奴范雎
乃是糞下兒一朝雲雷起屯厄揮刃脫縛揚高
眉我今偃偻困螻蟻吹沙吸呷若鮒鯉牛泚蠕
蠕豈足活河伯向我誇秋水夜夢憑雲忽上天
傾山倒海作龍淵天門中開繞赤電霓旌雷車
導我前空山颯颯走霹靂草木摧拉飛炎烟夫
夫未足哀困窮仰嘆白日回英風不能鼓行青
海上亦當擊劍於咸陽之市中寧學鉏耨觸槐
死羞言投閣仕莽公吾悲夫二子之死也誠如
寒蚓之與秋蓬

長安曲。

玉館瓊臺接紫微長安甲第有光輝夜夜錦燈

車馬散平陽歌舞月中歸

燕京四時歌

春

天柳垂絲拂建章銀冰千片落金塘烟花萬國
行人度遙指蓬萊春日光

夏

暑殿金泉枕碧山清涼樓閣五臺間赤日不行
葱嶺北雪花長繞玉門關

秋

薊門桑葉落澤沱代北浮雲鴻鴈多莫向雲中
傳尺素空將明月對頻娥

冬

葡萄新酒發流霞十月燕山雪作花天子後庭
誇玉樹昭君胡服拂琵琶

擬古宮詞七首。

君王無事日臨戎
韎韐親調白玉弓
千騎紅袍

齊扈蹕臂鷹遙出建章宮

其二

千場搏戲未言回
魚鑰重重向暮開
遙聽雲中催羯鼓
君王何處打毬來

其三

劍舞戎歌樂未休
煌煌芝火五城樓
班姬獨卧昭陽殿
卻捲珠簾望女牛

其四

十五承恩侍袞旒
宮中初拜大長秋
見說上林陪羽獵
君王同着紫雲裘

其五

興慶池頭漏未闌
梨園弟子曲將殘
花前更進涼州伎
無那西宮月色寒

其六

馳道毳毼御柳垂
春風挾彈羽林見
武皇親御長楊殿
勅與龍駒控鬣騎

其七

狗監離宮承宴歡
掖庭通晚不迴鑿
那能夜夜長門裏
銀燭薰衣待漏殘

雜謠四首

按此皆紀正德五年八月之變也

夫為虜妻為囚
少婦出門走道逢
爺孃不敢收
東市街西市街
黃符下使者來
狗棘棘雞鳴飛
上屋風吹門前草
肅肅

又

壞我民居田樹子
祠與楨桐楨何
青青素車不
得下

又

狐彭彭兔逐逐
反顧奔以北彎
弓來彎弓來

又

治我乎遠兮築子之樓兮
木槿隕落巢安歸兮

徐迪功集卷二

詩

贈答一十八首

學謝靈運賦華子崗詩贈趙建昌

朱巒蔚靈奧雲海互盤旋陰霞絢石室夾篠蔽
清連翠羽紛啁哳瓊藥合芬妍桂嶺屯蒼靄桃
蹊迷紫烟朝登郡樓望佳氣鬱葱芊挹景企嘉
客臨風懷羽仙冥賞非偶愜神理豈虛傳建德

寡民務山水發清絃順性奚矯迹知道在忘筌
非君秉淵尚茲理誰為宣

訓贈方周二子

弱弄寄觚翰中歲慕沈玄浮章粲華囿精密
真詮弘述允大道忘言亦自然常恐良時暮蘭
苔豈久鮮游情倦素藝委志脫玄蟬流觀宇宙
內尚友羲皇前方生振文綺周子攬冥筌清論
激秋水温滌發春泉跂予慕二美倚子企前賢
乃愜同棲志忽枉瑤華篇氣感聲必合跡異理
無愆永保日新願均期善自全

寄壽前冢宰王公三十韻

乾化昭於穆炎明浹世仁涵濡存一德覆載表
英臣伊昔稱專柄公才獨邁倫沛霖孚碩望柱
石秉鴻鈞補袞山明火為賢甫及申真能壽元
氣何啻觸龍鱗苦節深盤錯孤心契靖寅蒼生
多起涸時俊總依塵利澤江河運威靈泰華岫

台衡唯直道社稷一微身歲序成功去林泉此
志伸人心思几杖吾道卷經綸皓首歌淇澳青
雲絕渭濱中軍傳午子綠野蔭霜筠繫國安危
舊逢時繼易新培生賴天地屬望在庭宸存問
王言渥玄纁禮數頻高星臨寵使窮谷播陽春
慶舞狂童稱詞章湧縉紳優游不知耄弧矢忽
茲辰箕子推洪範莊周記大椿形骸全矍鑠學
術愈精純梁木咸傾仗元龜識泰屯已能回眷
注還擬下蒲輪愚也東南士叨為髻毳民甘棠
徒自倚品藻託無因諫草占心赤丹青得貌真
山中煉金石霞外隱麒麟漢相久辟穀侯長
謝秦悠哉瞻佇迥北斗挂天津

古意二首贈劉子。

空爲郢中客不見郢中吟美人高堂上自奏山
水音帝子壑何處瀟湘雲正深寂寥誰共賞江
上獨傷心

其二

楚妃一失寵，獨宿楚江陰。雖念華容落，終憐繾綣心。聞說章臺畔，畋游歡自淫。今日宮中事，不言諗妬深。

贈錢元抑

錢郎毛髮鬢且鬢，秀骨挿鬢蒼厓開。驂驪黯黯有奇氣，一蹴萬里空長埃。今之畫工不可數，畫馬無過曹韓武。吳生落魄筆有神，不求貌馬求貌人。英物由來豈殊相，麟鳳聖賢俱絕倫。却恨丹青損真趣，獨事玄毫拂紈素。生象蠕蠕指間出，大巧無乃遭神怒。故人三歲不相見，開圖忽訝錢郎面。小兒八歲快目睛，問之啞然呼姓名。嗚呼畫馬雖工，只畫形風雲道路俱冥冥。豈知錢郎貌如此，馮馮大腹儲滄溟。高蹄昔蹶未可輕，今日近前凡馬驚。吳江之湄浙之浹，我行于南從此始。始掉頭不見眼中人，寂寞行歌向湘水。

贈張注先生

蚤得投簪理緬欽遺俗情丘園白日靜眉宇紫
芝明上德綏多祉賢孫復令名道全身愈泰慮
澹物俱輕壽酒山人勸柴車縣尹迎坐臨冲逸
境於此學無生

靈隱寺贈靜公

聞有千年寺長松信許深冲虛半樓閣落日更
登臨舟楫窓中小藤蘿天際陰江流明暮靄石

澗響空林蟠據雄都會風烟異古今幽真余有
慕詩義爾能尋雲翼無言徒淵魚本自沉終期
白蓮社來就玉山岑

答沈休翁所問因成贈章

六齡識姓字十歲弄歌章十二失慈母嬉戲道
路傍十七學干祿跡此空徬徨幸逢黃河清昭
映白日光聖心勤草萊焱逐雲羅翔謬以跌宕
資冥之枳棘場雖有魯連節渡落無所將揣摩

笑蘇秦况乃章句行不見樊籠羽冥心在八荒
飄飄碧雲緒夢寐嵩山陽飲水心自足懷哉桂
樹芳榻來荆巫渚傲然稱楚狂夫子挺喬嶽時
人呼鳳凰一隱不世見鄰父徒窺墻而我愛逸
調談笑登其堂永符金龜契豁以歲年忘予今
入衡山訪道躡飛梁倘遇洪崖子遙傳紫永方
與君變白髮携手共徜徉

王敬止御史始竄海南繼移永嘉令自

燕中迎養

珠厓昔長竄連州始皇移借問東甌土何如南
海湄霞標建台嶽桃源帶武夷鴈山榮桂樹象
浦合珠漪玉羶非一族海錯被珎竒金盤湛碧
露名酒黃柑滿綠枝歡此三春日復愜暮秋時鳴
琴坐高館撫景臨華池迎輿侍潘令進酒舞萊
兒願以今時笑還瞻昔朝離豐澤亨雷雨瑤草
變芳蕤永嘉多懋宰建德易絃絲昔慕文翁化

文宗儒昔宰 今蒙葉尹慈
長沙非舊謫 宣室契
永嘉有聲 前思光華異
一接胡越詎 能追河東欲
有獻及 此汾陰祠

對雪贈客

雜絮下璫霏 飛滿洛陽城
仙人深雪裏 獨戴鹿
皮行高卧 思安道携琴
就阮生竹林陪 素蟻兔
苑玩流英 誰言剡水棹
今日在瑤京

酬邊太常於燕山見憶之作

故人惠思我 百里寄瑤音
在山中宿松 齊清
道心霜鐘流 夜壑曲澗入
幽深寂寞悲 千古橋
陵梓椽深

石川子歌

石川子隱於魯門之西 長牽青牛 飲素溪 有時
駕之駮文狸 駮文狸乃至岱宗之巔 弱水之涓
石門迢迢上通天 玉京金闕光陸離 過謁太山
君道逢赤松師 授以長生說 鍊氣服食除三尸

青泥丹鼎子善治玉杵化日如相贈共爾商山
歌紫芝

贈王淵之 并序

淵之故游漢落廿年頃來京師將從卑宦
霜霰被鬢風塵改容飲以卮酒并為歌以

贈之

君不見十月狂風吹白雪長安城中地欲裂朱
門酒爐紅炙天空裏瓊花旋消滅由來都國盛

繁華青雲絡繹滿仙車浪說黃金賜寒士爭言
白壁謁侯家驕矜意氣遙相羨片善朝推蒙夕

薦待詔靈沉金馬門傳宣直上麒麟殿王即獲
落爾何求千里乘驢被黑裘空論作賦稱才子
未肯低眉事貴游知君不得逢揚意終愧明時
老督郵

答顧郎中華玉

昔居長安西今居長安北蓬門卧病秋潦繁十

日不出生荆棘牽泥匍匐入學宮馬瘦翻愁足
無力慵踈頗被諸生譏虛名何用時人識京師
賣文賤於土飢腸不救糞鹽食去年作吏在法
曹月俸送官空署職床頭一甕不滿儲囊裏無
錢作沽直歸來困頓不得醉見女荒涼婦嘆息
今年調官去懊惱苦笑先生祿太嗇釜中粟少
作糜薄白碗盛來映膚色丈夫但免溝壑辱日
飲藜羹勝羊肉平生富貴亦何有羸軀幸白死
耕收但願時豐民物安官府清廉盜賊伏人人
鼓腹馱梁菽先生雖病甘首肯一朝雷雨濯
衢坐見諸公執中軸先生翛然卷懷退却齋
向南山卜

各賦隱士得魏仲先贈金陵顧徵士

何處蓬山宅汾陰傍漢宮
冥棲紫芝客長嘯綠雲中
忽佇甘泉駕遙尋河生上
公玄風那可掇大道本難窮
夫子金陵隱心將靜者同
瓊枝無以

獻歌此寄喬嵩

答獻吉。

花發平章宅鶯啼省樹春
殷勤花鳥意愁殺獨
游人

王負外不解叅同契但索一詩許以遺

我率爾戲之

王烈持洞章茫然不能讀石氣銷紫烟十年秋
空麓從來楚史識三墳阮籍馬能辨赤文一自

華陽窺妙訣緱山夜夜鶴相聞

游覽二十五首

入沛。

落日徧草色游子入沛鄉如何緬茲土能令心
慨慷道逢守津吏問客來何方一為陳風俗三
歎久傍徨前者貳尹家會客具酒漿遣吏出市
物吏私入已囊尹訊卑以紆吏言仇以張回身
走入河尹懾親扶將矯矯鷲悍風重恣復輕忘

由來英雄氣，儻盪出芒碭。余聽此言，立側想大
風章撫劔，一為歌春宇。無精光原野，厲長飈飛
鳥不遑翔。瞿瞿蟋蟀，歎悽惻感陶唐。

謁嚴子陵祠

言訪羊裘隱荒臺，迹宛然岩崖祠屋綴天漢。客
星懸伊昔風雲感，丘園束帛戈神龍不可係。造
化獨深全去矣，孤蹤邈懷哉。大澤偏釣竿，何媯
媯石瀨。故濺濺郡以高名著，山依汗簡傳餘風。
猶激懦聖代更招賢，圭組誰憐辱襟期。本尚玄
終焉赴空谷，寤寐白駒篇。

彭蠡

茫茫彭蠡口，隱隱鄱陽岑。地湧三辰動，江連九
派深。揚舲武昌客，興發豫章吟。不見垂綸叟，烟
波空我心。

與江夏尹錢子舍人于黃鶴樓

未有干戈地，能令棟宇全。乾坤餘壯觀，荆楚鬱

山川崔嵬寥天迥江深禹廟前舟檣控南北節
鎮此旬宣令尹乘時暇使君同祖筵炎蒸飄不
到虛爽境何偏乃繼登臨迹空懷作者賢風烟
一回首今古共凄然握手將安適經秋未擬旋
迢迢沙際月遙憶桂陽船

在武昌作。

洞庭木葉下瀟湘秋欲生高齋今夜雨獨卧武
昌城重以桑梓念淒其江漢情不知天外鴈何

事樂南征

廬山

豫章山水郡廬嶽北深蟠吳楚開雄鎮東南表
巨觀中天浮黛色百里暖晴巒漸近雲消豁俄
驚勢鬱盤錦屏圍合脊玉笋屢叢攢詰曲群形
變登臨萬象寬風高六月電氣慄九江寒石鏡
明花外香爐出霧端劔芒遙轟轟龍脉故九九
瑤草幽難掇青蓮秀可餐赤城虛瀑布彭蠡更

波瀾禹跡于茲盛崇功振古刊壯懷凌絕頂倦
鳥息飛翰霄漢心何有沈冥性所歆將脩梵門
術欲上羽人壇淨社花垂白名巖竈覆丹昔賢
非不達於道自相安愛勝真忘返遺榮亦未難
聊須偃松竹遂可掛纓冠祇為懷佳侶淹留獨
寤歎

江上逢許負外

挾策下天門揚帆楚江水長風吹客心倏忽墮

千里千里何青青離家幾日春忽逢天上使云

是故鄉人褰帷一共笑宛尔平生親聞子金陵

來衣滿歷陽塵握手起情慰依依多所陳君家

石橋下與我十室鄰海內各分散白頭常若新

葉散根株連諧合固有因由來吾黨士多作帝

鄉臣况爾發靈裔吳山傳秀神感此不見遺肯

與凡礫倫邂逅一草草馳驅苦辛君發李陽河

予留貴池口脉脉兩情遙胡寧棄我後昨日到

到同安青山待余久解我碧雲裘長松掛虛牖
雙童進草飯遇我情彌厚庭中好鳥聲嚶嚶自
求友春風吹綠楊十日暫分手予今發武昌早
晚下瀟湘仙人黃鶴樓待子洗壺觴君乘山公
馬訪俗過蘄陽還呼黃鶴仙醉舞雙徊翔八月
涼風發君言及豫章三春烟景暮余定達吳閶
男兒衣錦貴那不歸故鄉為我邀族人出郭具
壺漿徑酒愁痛飲別後莫相忘

曉下廬山

下山鼯鼠啼藤竹使人迷多謝東林月殷勤過

虎溪

登支硎山樓遲游侶

谷寺憐幽密茲樓表麗觀烟雲塞壑動竹樹入
門寒獨往迷前徑憑高遲所歡時聞有清磬遙
出暮林端

登半塘寺閣

夙有山水慕苦為形役拘澹茲夏日永聊得狎
浮圖攀雲凌廣閣靄靄見吳都諸川散林上平
野鬱芬敷法花垂縹緲晴采動虛無煙火下方
雜昏明時態殊境超自生樂疲心忽重蘇因傷
人世子擾擾即長途

曉思

月落晨渚前鷄舞春檣側榜人起蓬垢折薪候
炊食踈樹發東光熠熠汎水色關吏始通津起
柁指鄉域攬袂渺余望垂鬢深不測浩歌忽以
仰夷猶羨雙翼

吳舍人園亭

新年風景地休沐竹林人魚藻含泉動楊園聽
鳥新夕陰連九陌喬木俯千鄰虛負高陽興多
慚醕酌身

長陵西望秦陵二首

新宮猶藹藹白露已蒼蒼詎識神靈遠徒悲劍

鳥藏陰風振大漠落日照漁陽稽手攀松柏雲
天灑淚長

其二。

昔送宮車出長悲西雍門今來寒食節獨望灞
陵園杳杳仙城閉萋萋封樹繁當時侍從客慟
哭幾人存

九日遊眺三絕句

頻年搖落寄邊州無賴今晨強出遊從教烏帽

欺人髮不耐黃花亂客愁

其二

北來隴野太蕭條旅客登臨思易消天入胡關
真自迥雲開碣石未為遙

其三

西門沙丘頽欲崩思望芒山強自登正愁隴樹
模糊甚更著浮雲蔽秦陵

秋日過故尚書吳公池館二首

平泉舊時里秋日水亭開苑樹澗陰合魚梁山
照來野人臨逸釣公子進新醕興盡何須謝垂
鞭醉即回

其二

不見尚書履階陰空綠苔菊荒三徑在棗熟衆
禽來跡為憐幽駐圖因好事開秋風懸劍處落
日皆重回

晚過獻吉齋所。

端居聞子肅清修吏散鴉啼省署幽芳草不知
人獨往空山何意鳥相求開軒歷歷明星夕隱
几蕭蕭古木秋自昔風塵堪吏隱浮生莫遣有
離憂

嘉禾道中

攜李城何在瀟條草樹存未醒吳苑酒已動越
鄉魂問水來天日看桑過石門愁聞鶻鷁語寧
聽楚山猿

浙江驛下作

自嘆南浮客崎嶇驛嶺遙川途澹斜日鉦鼓遠
揚橈目勢含滄海山形折落潮夷墟不可問徒
使旅心搖

舟懷

天曠多樹林日赤溪路永我行一何勞窈窕泝
川嶺湍流好石闔沙礫與舟鯁行行指前栖望
望不得逞火雲漸暖滅蟬鳥空山靜奄忽青松
間了了掛圓景一與幽賞遇遂使煩慮屏先書
謝廬僧為掃香爐頂

過梨雲精舍

遠師耽宴寂跌坐石林深留客開香積談玄就
竹林烟藤結瞑翠雲磬下空音淨現青蓮色懸
知出世心

漢陽逢故人

銀鞍白馬渡江來江上相逢一笑回若道漢江

無咫尺思心何事日悠哉

徐迪功集卷二

徐迪功集卷三

詩

送別四十首

送友二首

瓜生葛薪下緣蔓義相因人生交結好婉孌自
諧親交義諒不遠戚若同株根勿采棘下瓜棘
傷多苦辛不惜傷者苦但恐株莠分念當與子
別惻惻傷我神

其二

靡靡客行役暖暖歲云晏問子豈不勞言適故
鄉縣送子不得遠我悲一以惋借問何所悲桑
梓不可見褰裳陟高隴白日忽已暝飛鳥東西
翔我思一以亂低頭念父母涕下忽如霰

留別邊子。

我車駕言邁將子城之隅豈無他人親媿嬾心
自知握手一為歎忽忽從此辭驅車何迢迢迢
迢復迢迢匪我車輪遲行子有所思登高望河
水河水何瀾瀾褰裳欲涉之挽首以踟躕孤楊
生河干嫋嫋何差差民生失儔匹惻爾令心悲

晉別都城諸同志二首

對酒忽不樂悵然懷別離別離結中勞眷彼長
路岐萋萋郊河樹暖暖闔門祠佇望瀟湘水先
與秋風期鴻鴈雲中來噉噉使人悲懷哉尔方
集悵矣予當辭

其二

客有悽悽者三年歌式微
竭來事原隰經返舊園扉
昔往被冬裘今還服春衣
撫景雖云愜中歡憺以遠
出門見芳草念子忽如飢

送邊子出剌衛輝五首

平生歡愛日履坦昧前艱
及爾嚴霜集方知末路難
疇昔同棲翮毛羽各摧殘
顧影惟爾我憾憾傷心肝

其二

心心肝義所均離索一何深
雖歷同朝寺雲路邈飛沈
君處承明陽我居湖水陰
淹闊嬰多痲日夕逢爾音

其三

爾音良不違胡為繫我思
何況當乖絕飄颻各異枝
欵曲杯酒言果諧符守期
努力茂時猷聊以慰我私

其四

我私何悠悠，薄送遵坳丘。
翔野曠無人，樹木鳴
颼颼。登高望衛邑，思見漕衛流。
前景奄忽匿，浮
雲蔽行輶。

其五

行輶道已繇，下車歲聿遷。
藹藹朝歌邑，閭里翳
人煙。慷慨猗昔風，緩疾在更絃。
寄謝當途子，成
暮庶來還。

送士選侍御。

壯士樂長征，門前邊馬鳴。
春風三月柳，吹暗大
同城。蘆溝橋下東流水，故
人一樽情未已。胡天
飛盡隴頭雲，唯見居庸暮山紫。
羨君鞍馬速
星子亦孤帆，下洞庭塞北荆南心。
萬里佩刀長
揖向都亭。

送范靜之遷威州五首

吾憐范巨卿，烟幅不邀名。
作吏竹林下，清風訟

獄平與君同得罪獨竄夜郎城萬里巴江水相
思猿狖鳴。

其二

聞上巴江峽黃牛峽最遲君聽流水意何似隴
頭悲

其三

爾向巫山日瞿塘春可憐柳絲嬌綠水白雪媚
陽天

其四

玉壘為糟蘖巴川即酒泉乘舟捉明月直到女
牛邊

其五

爾作南遷客余同北地囚酣歌易水動舞劍白
虹流

送徐生之金陵

為慕金門來竊窺三年執戟力云疲著書每憶

東山好蘿月冥冥空紫芝吾宗羯子清狂甚笑
拂扁舟向我辭清夜誰同牛渚泛早時聞詠女
郎詩天外涼風吹不絕餘音長繞鳳凰池

送許補之還丹徒

憐君揮手去匹馬向南天旅病青山外鄉心落
日懸燕闥變積雪淮柳動新烟驛路重雲裏相
思易隔年

送王誕敷之官長沙

美人南往雲陽我欲從之道鬱紆畫夢衡峯
半空紫覺來尖卻湖對君把酒心茫然七

十二峯猶眼前玄猿攀蘿石壁反反黃鶴空洲
芳草連春寒風多太陰黑瀟湘淋漓濕雲色楚宮
花木啼杜鵑舟子商人淚橫臆君欲去兮可奈
何側知王事難蹉跎離心不惜瑤華贈聊為湘
纍誦九歌

送蕭若愚。

送君南下巴渝深予亦迢迢湘水心前路不知
何北別千山萬壑暮猿吟

送周夢良令臨朐

官橋一壺酒來送穆陵人去住同為客風烟各
損神征途殘臘盡到日柳條新要自酬知己寸
心寧復陳

送耿晦之守湖州

遠下吳江向雪川高秋風物倍澄鮮鷓鴣菰

鱗

翠相亂錦石游鮮清可憐郵渚槌頻津吏鼓漁
歌唱近使君船吳興峴山足勝事漢水襄陽空
昔賢

青門歌送吳即

吳即醉嗜酒落魄自言為客久走馬頻看
上苑花回鞭折青門柳青門瞳瞳魚鑰開乳

幾

燕游絲相逐來柳下雕鞍留別袂花間酒盞覆
蒼苔浮雲去去辭城闕芳草連非可歇野店

天

通 隔

春風聽早鶯
閑河曉樹懸
新月千里淮
流雙盡
橈廣陵驛
前逢前暮潮
落日帆歸揚
子渡青山家
對伯 橋
吾家流水元
非 宛轉胥
臺通巷陌
下 草長
仲蔚居林深
不 陶潛宅
清溪屋

可垂綸復有
尊羹足獻親
君歸倘食冰
絲鱠為
念羈棲塞北
人

贈別獻吉。

爾放金鷄別
帝鄉何如李
白在潯陽日
暮經過
燕趙客解裘
同醉酒鑪傍
徘徊桂樹涼
颯發仰
視明河秋夜
長北去梁園
逢雨雪知予
遙度赤
城梁

送友人還吳。

陽月隨陽鴈
遙從塞上來
北人江北望
不見隴
頭梅坐下楊
朱咲吟為莊
鳥哀聊傳數
行札千
里送君回

送蕭少府

矯矯雙鳧塞隴分
武夷殘雪半春雲
玉洞只愁仙隱去
洛陽花下不逢君

送唐季和謫穀城

襄陽千里道
念尔一杯辭
上馬山公醉
普騰倒接羅
回風漂翔野
飛雪繞征旗
及此下車日
黃河水泮時
江喧神女館
花發峴山祠
莫謂長沙謫
風流良在茲

送顧馬湖孔昭四首

已東明月已西歌
兩岸梅花羌笛多
一曲停橈雙淚落
猿聲三峽若為過

其二

西上江陵北客哀
遙看巴路碧崔嵬
樹繞黃牛瞿峽轉
天橫劔閣蜀門開

其三

錦水由來勝若耶
蘭橈三月汎桃花
巴兒見客能歌舞
蜀女明妝笑浣紗

其四

成都酒樓高插天
烏帽來游太白仙
他日燕州何處覓
星槎遙挂彩雲邊

送廬陵楊二尹

何卑執戟謝京華
却愛河陽縣裏花
不為遠師招白社
擬從勾令覓丹砂
青天挂席浮明月
螺水迴舟勝若耶
莫學南昌隱君子
離群獨拂五雲車

送友

平原蒼蒼孟冬月
行子辭燕指吳越
淮水橋邊賣酒家
停車幾處梅花發
羨爾侯門早拂衣
柴桑舊里角巾歸
白酒山中新芋熟
青楓江上蟹螯肥
閉門松竹依然在
一曲參差醉落暉

安南歌四首送沈使君

借問炎交路若何
片帆南指廣州通
知君怕見梳榔樹
近嶺猿聲日漸多

其二

漢關行盡忽桃源
竹樹蕭蕭鷄狗喧
銅鑲推髻
來迎榼蠻國王孫
出領幡

其三

烏蠻灘上烟水聲
伏波廟前秋月明
夜半津人
挽舟上夷歌
偏動望鄉情

其四

皇穹覆載本無私

聖主恩波詎有涯
炎荒喜沐堯年雨
黎人重拜
漢官儀

送方山人

巖子灘頭花落時
水清雲碧淨連漪
孤舟相逐
飛花去一日看山到武夷

送盛斯徵赴長沙

昔愁越雋千峯仄
轉入巴渝萬里賒
豈料聖恩
憐賈誼猶煩佐郡出
長沙蠻中瘴遠三湘水江

畔春逢十月花遙聽岳陽樓上笛可能迴首憶
京華

貽吳叟

鬱彼丘園叟居然松竹姿生涯隔城郭流水到
茆茨乃識堯仁大誰言靜者私中山多法酒高
會及良時歲月老將至耕桑樂在茲鹿門姻婭
地從此接龍眉

寄憶一十九首

人日東李負外出陪郊祀

咫尺東曹彥相思隔暮雲仙源懷獨往青鳥信
難聞齋館逢人日天行望羽軍

聖朝郊禮秘應待長卿文

秋日懷李郎中及邊熊二君子五首

秋興因高賦雄才憶省郎山川思不極雲樹莽
蒼蒼對酒知時變看花恨別長如何霜後鴈猶
未達瀟湘

其二

借問關中友新詩近轉多
風煙興難盡搖落意
何如熊子元相得邊丞定數過
誰能念離索樽
酒邈山河

其三

昨日逢京使聞渠再轉郎
未妨文字癖祇益簿
書忙退食遲宮旭鳴鐘候省堂
祇應騎瘦馬緩
轡漫成章

其四

禮
每憶邊庭實才清官更閑
齋心裡祀裏覃思藝
林間名致諸公早詩卑大曆還
曹劉塵未遠任
尔好躋攀

其五

熊子今何在秋應奉使還
威侵蕃部落旌遠漢
關山沛澤從天降三軍動地歡
思君問邊略何
日接清班
是時士選犒軍居庸
關事載士選墓志

於武昌懷獻吉五十韻

豈是乘桴客棲棲鄂水陽故人多放斥吾道轉
淒涼寵辱今如此沈憂不可忘隋珠元按劍荆
璞自離殃似爾青雲畧誰言世網傷王風紛墜
地冥契獨升堂逸擬曹劉駕清聯沈謝行列星
分漢署白雪映仙郎能使尚書重深揚國士光
在公勤夙夜於古準羔羊側席遭仁聖求言渴
禹湯靡躬懷骨鯁有疏削豺狼那信黃金鑠萇
然貝錦張孤誠迴日月萬死出風霜直道焉辭
辱庸夫或笑狂始知天德廣曲納海流長賈誼
猶投楚鄒生故泣梁如何捐虎口忽已訝雲翔
我識從偕計觀風美大唐謬通仙籍末賜對玉
墀傍食粟真爲竊河清詎有常寧論供黼黻祇
爾奉趨蹌乃邁同心彥陪游古藝場夜間堪秉
燭日旰尚含香莫逆談恒劇從容寢不違允求
諧比興端可發宮商䟽越宜宗廟華蟲傍袞裳

淵衷深禮樂文化蔚巖廊豈謂奄徂落還應厭
治康雙傾泰陵淚俱斷祀人腸赤子居猶喘蒼
天意巨量河山開紫氣符瑞轉宏綱漸歷輿圖
遠欣瞻帝座昌聲靈掃烏合英德邁龍驤姬旦
匡周室相如侍武皇俄看霧霧鬱半覺老成亡
鱗逆櫻頰斃乾行斷自剗內林鴟啄吻丹闕彗
浮芒逐客無寧跡窮途不裹糧厲階生枳棘芬
餌桂鸞凰西去仍秦苑南歸定汴鄉驚飛憐帶
繳欲往嘆迷方憶向青門別重凋季月芳幾時
申契濶繇此卜行藏太潔爲身累虛名與世妨
悲歌空翫麟中路惜彷徨潛伺亨陽復終焉履
善祥達人聊麴蘖隱士且庚桑鴻雁紆閔塞江
流極楚湘遙知懷逐侶一爲奠椒漿

寄子容

芳月高堂宴辭君楚水游那知臨歲晚猶此對
滄洲津煖空雲度江明霽雪浮新詩仍自惜何

以慰離憂

寄獻吉

昔聞已卜扶溝廬為復還從河上居嵩雲洛日
迴在眼鬣沫蛟渦愁故墟一拘那傳少陵淚經
年不見茂先書荒村豺虎眠難穩好共滄江學
釣魚

閒居懷泰公

閒居習禪觀虛獨長心苗萬境一澌澈諸天何
寂窠香飄桂子月齋近菊花朝坐憶東林老從
誰過虎橋

過喬侍郎省中因懷獻吉

東掖當年署長廊故柳斜久辭陳子榻重謁謝
公衙廳事垂蛛網高簷噪晚鴉風烟那可憶飄
泊惜瑤華

庭實久約携酒見訪不至貽詩嘲之

九月秋風吹破廬長安城中愁索居籬邊未見

陶潛菊門外空傳長者車黃塵鬱鬱倦為客肺
病時時強著書聞道白衣將送酒荒蕪庭徑擬
親除

感興懷獻吉

客舍秋風動客哀殘花秋日伴殘杯虛名久愧
為身累白眼那能免物猜落魄京華空老大旅
魂江漢好歸來山川矯首浮雲迴倚杖遙登何
處臺

九日期登大慈恩寺閣不果寄獻吉

悵憶青蓮宇今朝黃菊開遙知遠公笑不見白
衣來窈窕人天閣崢嶸日月迴山川紛楚望城
闕動秋哀岷首羊公石淮陰戲馬臺風煙那可
即逸興杳難裁強負登樓作虛傳落帽才此時
遙獨酌念尔重悠哉

唐生將卜築桃花之塢謀家無時貽書
見讓寄此解嘲

入

余昔攀白日虹蜺千紫庭浮沉帝座側無人知
歲星側侍公車無所歡聊騎天馬出長安南下
蒼江浮七澤還携謝客弄波瀾青倪中開秀廬
嶽瀑布灑人千峯寒冥冥仙氣貫南斗直欲凌
身燒大丹迴裾西拂巫山浦浩蕩歡心間雲雨
歸來欲奏楚王書漢主上林方好武黃金不遇
心自吁白壁無媒翻見侮昨日結交燕少年酣
歌擊筑市中眠正逢天子矢顏色奪俸經

時無酒錢入門百結鸛鷓盡笑立文君明鏡前
却思舊日高陽侶黃公酒壚何處遠天下綈袍
誰不憐邾邠未具山中橐何人爲買剡溪田唐
白虎真俠客十年與爾青雲交傾心置腹無所
惜擊我劔拂君纓請歌鸚鵡篇爲奏朱絲繩胡
為擾擾蒼蠅之惡散我今躑躅尚如此嗟尔悠
悠世上名

寄華玉。

去歲君為薊門客
燕山雪暗秦雲白
馬上相逢
脫紫貂朝回沽酒
城南陌
燕山此日雪
寥寥祇見秦雲
不見君
胡天白鴈南飛
盡千思里相思
那得聞

駕出南郊退簡邊喬二太常

齋殿鑿輿下郊宮
鳳野開霜戈迎日
動芝蓋拂雲來
輦道前旌直
鈎陳翼騎迴
甘泉枚朔侍詞賦
接仙才

聞庭實工計不與張然有懷

輶車十月四方來
奈爾辭天獨未回
遠在荆南淹蜀盜
祇從極北望燕臺
子山涕淚秋難盡
杜甫干戈老更催
牢落梅花江閣迴
肯拚碁局負深林

寄杭東鄉

西湖十月烟水平
梅花參差千樹明
越王城畔氣應早
林逋宅邊江更清
驛使章臺空寄別
霜

天玉笛暗沾纓故人若有揚州興為聽春鴻白
雪聲

徐迪功集卷三

